

4.5.2 Dipuisano ka ofela mahareng ha Masepala le mafapha a mang, di tlameha ho fetolelwa puong ya semmuso eo di fumanwe di le ho yona, ha feela tokomane e fetoletsweng Senyesemaneng e bolokilwe, (ha e ka batlahala ditabeng tsa molao). Masepala o tlameha ho bolella mosebedisi hore tokomane ya Senyesemane le yona e tla sebediswa ditabeng tsa molao.

4.5.3 Ditokomane tsohle tsa Masepala tse hloakang ho bolokwa, di tlameha ho tholahala ka puo ya Senyesemane.

4.5.4 Senyesemane se tlameha ho sebediswa ke Masepala dipuisanong tsa matjhaba, empa Masepala o tlameha ho fana ka tshebeletso ya ho fetolela dipuoisanong tse sa hlophiswang ka puo e ratwang ke naha e amehang.

4.6 BATHO BA SA KAGONENG HO BUA

Masepala o tlameha o hlokomela ditlhoko tsa batho ba sa kgoneng ho bua, ha a koptjwa ho etsa jwalo, mme ebile ho kgonahala.

5. TEKOLO YA LEANO-TSAMAIISO

5.1 Masepala o tla etsa ditekolo kgafetsa, ho sheba hore na ke puo efe e tla thabelwa ho sebediswa ke basebetsi ba ona ka ntle le ka hare ho Masepala, le hona ho fumana hore ebe ditlhoko tsa puo ke dife, mmoho le hore na basebetsi ba Masepala le Baahi ba Tshwane bana le bokgoni ba puo na?

5.2 Yuniti ya Ditshebeletso tsa Puo e tla sebedisa sephetho sa ditekolo tsena ho ntlafatsa leano-tsamaiso.

5.3 Yuniti ya Ditshebeletso tsa Puo e tlameha ho lekola ho kenywa tshebetsong hwa leano-tsamaiso kgafetsa le ho etsa diphethoho tse hlokalahalang.



Bakeng sa lesedinyana le fetang mona mabapi le leano-tsamaiso, ka kopo ikopanye le:

Landela Nyangintsimbi

Tel: 012 358 4762

Fax: 012 358 7453 kapa

Email: landelan@tshwane.gov.za

**LEANO-TSAMAIISO LA PUO
LA
MOTSHEMOHOLO WA TSHWANE**

Buka ena e fetoletswe dipuong tsohle tsa naha. Nka ya hohle lefatsheng, mme pale ya ka e ka tholahala ka puo ya moo. Mona teng, ke tsebahala ka Senyesemane. Ke batla ho ba karolo ya dipuo tsohle tsa naheng ya ka. Ha wa tlameha ho tseba puo e leng ya hao feela.

Ke ka hoo ke dumelang ho phetholelo, hore bohle re kgone ho dula mmoho.

Mopresidente wa mehleng, Nelson Mandela, eitse ha a botswa hore ke hobaneng a batla hore “*Long Walk to Freedom*” e fetolelwe dipuong tse 11 tsa semmuso tsa Afrika Borwa, jwalo ka ha a qotswa bukeng ya Antjie Krog's *A change of tangué*.

Leano-Tsamaiso la Tsebo ya Dipuo ke karolo e bohlokwa haholo ya phethoho ya Afrika Borwa ha ho tluwa ho tokoloho ka botlalo. O keke wa lebella hore batho ba tsamaisane le molao, empa ba sa utlwisisi molao. (Kristina Cunningham.)

1. MAKENO

Motsemoholo wa Tshwane o ile wa amohela Leano-Tsamaiso la Puo la ona ka 2 Phato 2007. Maikemisetso a leano-tsamaiso lena, ke ho thusa motsemoholo ona hore o be le baahi ba nang le kutlwisiso ka ho etsa hore baahi ba bue kapa ba fumantshe ditshebeletso tsa Masepala ka puo e ba e utlwisisang. Le boetse le fana ka tataiso ya hore Masepala o kenye tshebetsong tsebo ya dipuo jwang, mo ho sebediswang dipuisano ho etsa bonnete ba hore baahi ka ofela ba kgona ho fumana lesedinyana le ditshebeletso tsa Masepala.

2. LE AMA BO MANG?

Leano-Tsamaiso le ama basebetsi ba Masepala, baahi ba Tshwane, bafani ba ditshebeletso mmoho le kopo efe kapa efe e tobisitsweng ho Masepala e mabapi le puo kapa tshebediso ya puo.

3. MAIKEMISETSO A LEANO-TSAMAIISO

Maikemisetso a Leano-Tsamaiso ke –

- ho etsa bonnete ba hore ntshetsopele ya tshebediso e bohlokwa ya dipuo tsa semmuso tsa Masepala e ba teng.
- ho etsa hore ho be le phumantsho ya ditshebeletso tsa Masepala le lesedinyana.
- ho sireletsa mefuta ya dipuo, ntshetsopele ya ho hlompha tsebo ya dipuo le ho kopanya mefuta ya batho; mmoho le
- ho tiisa tshebediso ya dipuo tse fapaneng bakeng sa tsamaiso e kgotsofatsang ya Masepala mmoho le ditsela tsa dipuisano.

4. DITSHISINYO TSA LEANO-TSAMAIISO

Ditshisinyo tse latelang di entswe ho latela tshebediso ya puo Masepaleng.

4.1 Dipuo tsa semmuso tsa Tshwane

Motsemoholo wa Tshwane o thontse dipuo tse tshelletseng hore e be tsa semmuso, e leng:

- Seafrikanse
- Senyesemane
- Sepedi
- Setshonga
- Setswana le
- Sezulu

Masepala o boetse o etsa matsapa a ho sebedisa dipuo tse ding tsa semmuso tsa Rephabuliki ya Afrika Borwa, ho kenyeleditse puo ya matsoho ya Afrika Borwa le mongolo wa difofu mo ho hlokaahalang.

4.2 PUO E SEBEDISWANG MOSEBETSING

4.2.1 Efe kapa efe ya dipuo tsa semmuso tsa Masepala e ka sebediswa dipuisanong ka hare ho masepala, mmoho le dipuisanong tsa Masepala le mafapha a mang, ha feela bohle ba amehang ba utlwisisa puo e sebediswang.

4.2.2 Senyesemane se sisintswe jwalo ka puo ya mosebetsing dipuisanong tsa ka hare ho Masepala, mmoho le dipuisanong tsa Masepala le mafapha a mang. Le ha ho le jwalo, puo efe kapa efe ya semmuso ya Masepala e ka sebediswa, ha feela e utlwisiswa ke ba amehang dipuisanong tseo.

4.2.3 Ho etsa hore dipuisano di be bobebe Lekgotleng, dikopanong tsa Motsemoholo tsa ditlhophiso, dikopanong tsa kgalemo, le dikopanong dife kapa dife\wekshopo\khonforense ho tla tolokwa.

4.3 PUO E SEBEDISWANG KA NTLE HO MOSEBETSE

Masepala dipuisanong tsa ona, o tlameha ho sebeletsa batho ba ona ka puo e ratwang ke bona, ha ho kgonahala.

4.4 PUO E NGOLWANG KA HARE HO MASEPALA

4.4.1 Ho ntshetsapele tshebetso e ntle, Senyesemane ke puo ya tshebetso ya Masepala, mme phetholelo dipuong tse ding tsa semmuso tsa Masepala e ka etswa, ha e koptjwa.

4.4.2 Le ha e le hore ha ho mosebeletsi wa Masepala ya thibetsweng ho ka sebedisa puo ya semmuso e ratwang ke ena, ditokomanane tsohle tsa Masepala tse tlamehang ho bolokwa, di tlameha ho tholahala ka puo e di neng di ngotswe ka yona pele, le ha e le hore Senyesemane ke yona puo eo di tlamehang ho bolokwa ka yona.

4.4.3 Tshebediso ya puo e bonolo ditokomaneng tsa ka hare ho Masepala e tlameha ho kgothaletswa hore ho be le kutlwisiso le dipuisano tse ntlafetseng.

4.5 PUO E NGOLWANG KANTLE HO MASEPALA

4.5.1 Masepala o tlameha ho leka ka hohle ho ntshetsapele tsebo ya dipuo websaeteng ya ona le diphatlalatsong tsa ona tsa ka hare, ka ho sebedisa dipuo tsohle tsa semmuso tsa Masepala.